

德，謂顯明其至德也。”③明白。荀子天論：“故～於天人之分，則可謂至人矣。”又明白地。孟子梁惠王上：“願夫子輔吾志，～以教我。”④眼力，視力。孟子梁惠王上：“～足以察秋毫之末，而不見輿薪。”文選漢司馬遷報任安書：“左丘失～，厥有國語。”引申為眼力好，看得清楚。論語季氏：“視思～。”荀子勸學：“目不能兩視而～。”呂氏春秋本生：“天全，則神和矣，目～矣，耳聰矣。”⑤聰明，英明。老子第三十三章：“知人者智，自知者～。”呂氏春秋慎人：“信賢而任人，君之～也。”⑥〔明明〕①明察貌。詩大雅常武：“赫赫明明，王命卿士。”小雅小明：“明明上天，照臨下土。”②同黽黽，勉力。詩魯頌有駟：“夙夜在公，在公明明。”漢書楊惲傳報孫會宗書：“明明求仁義，常恐不能化民者，卿大夫之義也。”⑦今之次。論語微子：“～日，子路行，以告。”左傳昭公七年：“其～月，子產立公孫泄及良止以撫之。”⑧指與祭祀有關之物。如祭神所穿之衣為明衣，祭祀所用之水為明水。論語鄉黨：“齊必有～衣。”周禮秋官司烜氏：“以鑑取～水於月。”⑨朝代名。朱元璋所建。

〔備考〕①成。爾雅釋詁下：“明，成也。”②盛。淮南子說林：“石生而堅，蘭生而芳，少有其質，長而愈～。”高誘注：“明，盛也。”

按，說文明字在明部。

## 易

1. yì 羊益切，入，昔韻，喻四。錫部。

①交換，交易。左傳宣公十五年：“敝邑～子而食，析骸而爨。”孟子滕文公上：“以粟～械器者，不為厲陶冶。”引申為改變，易繫辭下：“上古穴居而野處，後世聖人～之以宮室。”②書名。論語述而：“孔子曰：‘加我數年，五十以學～，可以無大過矣。’”今有周易。③通“場”。疆界。荀子富國：“觀國之治亂臧否，至於疆～而端已見矣。”漢書禮樂志：“吾～久遠，燭明四極。”顏師古注引晉灼：“易，疆易也。”

2. yì 以豉切，去，寘韻，喻四。錫部。

④容易，與“難”相對。論語憲問：“上好禮，則民～使也。”孟子公孫丑上：“飢者～為食，渴者～為飲。”引申為輕視，輕慢。左傳僖公二十二年：“國無小，不可～也。”呂氏春秋審應：“今有人於此，無禮慢～而求敬，…雖黃帝猶若困。”⑤和悅。詩小雅何人斯：“爾還而入，我心～也。”毛傳：“易，說。”⑥路平坦。呂氏春秋長攻：“夫吳之與越，接土鄰境，道～人通。”淮南子兵略：“～則用車，險則用騎。”許慎注：“易，平地也。”⑦整治田畝，芟除草穢。詩小雅甫田：“禾～長畝，終善且有。”毛傳：“易，治也。”孟子滕文公上：“夫以百畝之不～為己憂者，農夫也。”呂氏春秋辯土：“農夫知其田之～也，不知其稼之疏而不適也。”高誘注：“易，治也。”⑧蔓延。左傳隱公六年：“惡之～也，如火之燎于原，不可鄉邇，其猶可撲滅？”

〔備考〕①說文：“易，蜥易，蜥蜴，守宮也。”②亦。素問骨空論：“扁骨有滲理湊，無髓孔，～髓無空。”王冰注：“易，亦也。”

按，說文易字在易部。

## 昀

hū 呼骨切，音忽，入，沒韻，曉。物部。

天色將明未明之時。說文：“昀，尚冥也。”〔昀昕〕拂曉天色將明時。文選漢班固幽通賦：“昀昕寤而仰思兮，心矇矓猶未察。”〔昀爽〕天色未明之時。漢書郊祀志上：“十一月辛巳朔旦冬至，昀爽，天子始郊拜泰一。”

## 昂

áng 五剛切，平，唐韻，疑。陽部。

擡頭。楚辭戰國屈原遠遊：“服偃蹇以低～兮，驂連蜷以驕驚。”引申為擡起，擡高。論衡變動：“故穀價低～，一貴一賤矣。”〔昂昂〕志向品行高超貌。楚辭戰國屈原卜居：“寧昂昂若千里之駒乎，將汜汜若水中之鳧乎？”〔昂藏〕疊韻聯綿字。高峻，軒昂。北魏酈道元水經注九淇水：“水出壺關東沾臺下，石壁崇高，昂藏隱天。”晉陸機晉西平將軍孝侯周處碑：“汪洋廷闕之傍，昂藏寮案之上。”

按，說文無昂字，新附有之。